

Desember
2009Posbus 20
Hermanus 7200

	Telefoon	Faks
Hermanus	028 313 8000	028 313 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445

24 Uur Beheerkamer	028 313 8000/8111
Brandweer	028 312 2400

Bulletin

Amptelike nuusbrieff van Munisipaliteit Overstrand



Foto: Bernard Jordaan

MUNISIPALITEIT GERAT VIR VAKANSIE SAMEWERKING GEVRA VIR SORGELOSE UITSPANTYD

Overstrand is gerat vir die groot jaarlikse toestroming van vakansiegangers wat op ons kusdorpe gaan kom ontsan. Meer as 220 000 mense word in die piekperiode tussen Kersfees en Nuwe Jaar verwag en hoewel dit 'n welkome ekonomiese inspuiting vir die gebied is, gaan dit soos gewoonlik druk op dienslewering plaas.

Daar is hard gewerk om ons gebied vir die vakansie voor te berei, sê Burgemeester Theo Beyleveldt. Daarvan getuig die drie Blouvlagstrande, Kersliggieversierings in al ons vernaamste dorpe en groot getalle tydelike werkers wat in diens geneem is om goeie dienslewering te verseker, ook wat wetstoepassing op ons strande betref.

As 'n vakansiebestemming het Overstrand nie sy gelyke wat die belewing van die natuur en buiteligaktiwiteite betref nie. Dink maar net aan die goue strande, berge, vis, kreef, en vele meer. Boonop word die winkels, boetieks en restaurante jaar na jaar net beter, en die wynbedryf is 'n welkome toevoeging.

Vakansiegangers se samewerking gaan egter nodig wees om te verseker dat die seisoen vir almal genotvol gaan wees en dat die dinge wat waarde tot 'n vakansie hier toevoeg vir altyd behoue sal bly. Daar word 'n beroep gedoen op almal om water en elektrisiteit spaarsamig te gebruik, verkeersveiligheid voor oë te hou en die nodige maatreëls te tref om misdaad hok te slaan. (Sien veiligheidswenke elders in Bulletin.)

Twee diere wat baie geliefd is, honde en bobbejane, is ook vir baie die oorsaak van probleme. Wat eersgenoemde betref, moet kennis geneem word van die nuwe verordening wat bepaal dat honde aan 'n leiband moet wees wanneer hul openbare terrein betree. Hondeontlasting moet deur die eienaar opgeruim word en die erwe waarop hulle aangehou word, moet omhein wees.

Bobbejane hoort in die natuur en kom na woongebiede om kos te soek. Daarom moet afval in bobbejaandigte vullishouers geplaas word en wanneer u die gebied na u vakansie verlaat, maak asseblief gebruik van die aflaapunte vir vullis. Moet ook onder geen omstandighede bobbejane voer nie. Ons sal dit ook waardeer as u waarnemings van bobbejane in woongebiede met behulp van die maklike aanmeldvorm op

ons webtuiste www.overstrand.gov.za rapporteer.

Parkering is nie maklik bekombaar nie, veral by gewilde strande. Parkeertariere is weer van toepassing by Grotto- en Kleinmondstrand. Inwoners kan weer eens langtermyn-parkeerpermitte by die areabestuurders se kantore bekom.

Te danke aan die baie reën wat vroeg vanjaar geval het, is die risiko vir brande besonder hoog weens die welige plantegroei in ons gebied. Onbeheerde brande kan groot skade aan die natuur en private eiendom tot gevolg hê. Ons brandweardiens is voorbereid, maar voorkoming bly die beste raad. Moet asseblief nie vuur maak onder sterk windtoestande nie en maak asseblief seker dat u kole geblus word na 'n braaiery. Vuurwerke mag nie sonder die toestemming van die Brandweerhoof afgevuur word nie, maar plekke sal aangedui word vir 'n bietjie pret op Nuwejaarsaand.

Kontak ons 24 uur-beheerkamer vir enige nood-situasie by tel 028 313 8111. Die tolvrye nommer vir die Ambulansdiens is 10177.

KERSBOODSKAP 2009

LEEF JOU WAARDES UIT

Die komende Kerstyd is vir ons almal 'n tyd van feesviering en welwillendheid. Dit is asof almal juis in dié tyd 'n behoefte het aan 'n blaaskansie tussen korupsie, swak diens, onverantwoordelike, selfsug en onreg.

Kerstyd is die ideale tyd vir al ons inwoners en besoekers om met ons lewenstyl te protesteer teen die verval van basiese waardes in ons gemeenskap. Ons word aangespoor deur die boodskap van die Christuskind wat lig in 'n donker wêreld kom bring het. Hy het bese harte kom verander in harte vol deernis, hoogmoed in respekvolle houdings, en selfsug in verantwoordelike teenoor mekaar.

Kerstyd is die ideale tyd om die waardes van die MSI in ons gemeenskap uit te leef.

- Ons **betroubaarheid** bevestig dat God se beloftes waar geword het. Die Messias hê gekom!
- Ons **respek** vir mekaar bevestig hoe duur God vir ons lewe betaal het. Elke mens is kosbaar in Sy oë.
- **Verantwoordelike** optrede wys dat ek my roeping as Christen ernstig opneem – ek kán 'n verskil maak om Lig te bring in donker omstandighede.
- **Regverdigheid** is gegrond in die waarheid dat Christus vir almal 'n gelyke kans op Lewe kom gee het.
- **Omgee** is 'n voortsetting van Sy lewensstyl. Omgee bring heling.
- **Goeie burgerskap** is 'n teken dat al ons mense saam bou aan 'n hoopvolle toekoms. Waar daar hoop is, is daar lewe...

Gebod: Mag ons almal 'n Kerstyd vol vrede en genade ontvang. Mag ons dit teenoor mekaar uit leef sodat ons gemeenskap 'n Gesoënde Kersfees mag ervaar. Vrede vir julle!



Dr Wilhelm Burger

OVERSTRAND-PROJEKTE BEKROON

Die onlangs voltooide Gansbaai-rioolaanleg van Munisipaliteit Overstrand het die Suid-Afrikaanse Instituut vir Siviële Ingenieurs (SAISI) se 2008 nasionale toekenning vir die uitnemendste siviële-ingenieursprestasie in die kategorie tegniese uitnemendheid verower. Dieselfde projek was ook vroeër vanjaar die wenner in 'n kompetisie van SAISI se Wes-Kaapse tak en het in Augustus eervolle vermelding van Raadgewende Ingenieurs Suid-Afrika (RISA) in sy kompetisie vir uitnemende ingenieursprojekte met 'n waarde van tussen R10 miljoen en R100 miljoen ontvang.

Hierdie projek is merkwaardig weens die feit dat die baanbrekertegnologie vir die eerste keer in die wêreld op volle skaal by 'n munisipale aanleg ingespan is en die munisipaliteit nie net in staat gaan stel om groot kostebesparings te bewerkstellig nie maar ook om deur doeltreffende omgewingsvoordele sy risiko's te beperk. Die projekspan wat Munisipaliteit Overstrand bygestaan het, bestaan uit SSI Ingenieurs en

Omgewingskonsultante, AVDM Raadgewende Ingenieurs (Hermanus), Health and Safety Executive, EnviroAfrica, EnviroDinamik en GeotechnicsAfrica (Hermanus).

Munisipaliteit Overstrand se behuiskingskontraakteur, M5 Developments Cape (Edms) Bpk, het die gesogte Nasionale Toekenning vir 2009 se Behuiskingsprojek van die Jaar van die Suid-Afrikaanse Behuisingstigting ontvang. Die kategorie waarvoor ingeskryf is, is vir behuising onder R80 000 (dit wil sê gesubsidieerde behuising), en die projek wat geëvalueer is, is die Stanford-behuiskingsprojek. Rieger van Rooyen, direkteur van M5 Developments Cape, het erkenning verleen aan sy personeel, die subkontraakteurs, die professionele span en Munisipaliteit Overstrand vir hul toewyding en harde werk om van hierdie projek 'n groot sukses te maak. "Ons is vreeslik trots op ons prestasie en hierdie projek wys dat selfs klein projekte met dieselfde geesdrif en trots as groter projekte onderneem kan word," het hy gesê.

SOOI GESPIT VIR KLEINMOND-BEHUISINGSPROJEK

Die Kleinmond-laekostebehuisingsprojek waarvoor die eerste sooi op Maandag 9 November 2009 deur die LUR vir Behuising, mnr Bonginkosi Madikizela, gespit is, sal nie net grootliks help om die behuisingsnood van die minderbevoorregtes te verlig nie, maar daar is ook groot sorg gedra om die impak van hierdie projek op die omgewing en die gemeenskap te versag.

Dit was 'n vreugdevolle geleentheid wat, onder andere, bygewoon is deur die Wes-Kaapse Premier, me Helen Zille, Overstrand se Burgemeester, Theo Beyleveldt, raadslede, amptenare en verteenwoordigers van die gemeenskap, die ontwikkelaar en die WNNR.

In totaal sal 410 behuisingseenhede gebou word, en hiermee sal 47,5 persent van die aansoekers op Kleinmond se behuisingswaglys gehelp word.

Munisipaliteit Overstrand het weer eens van sy wetenskaplike graderingstelsel gebruik gemaak om potensiele begunstigdes te evalueer en om te verseker dat daardie aansoekers met die grootste behoefte eerste gehelp word. Hierdie toets is gegrond op die aansoeker se sosio-ekonomiese posisie, en die inligting wat gebruik word, is afgelei uit die aansoekvorm wat vir die munisipaliteit se waglys gebruik word. Aansoekers is gegradeer ooreenkomstig aspekte soos die aantal jare wat hulle in die munisipale gebied woon, die getal afhanklikes, ouderdom, inkomste, huwelikstatus, die tipe woning waarin hulle tans bly en die datum waarop hulle aanvanklik aansoek gedoen het.

In die geval van hierdie projek, wag begunstigdes gemiddeld reeds 14 jaar op 'n huis. Hulle gemiddelde ouderdom is 38, en



Gemeenskapsverteenwoordigers sluit by Wes-Kaapse LUR, mnr Bonginkosi Madikizela, aan om die eerste sooi vir die Kleinmond-behuisingprojek te spit. Ook te sien op die foto is die Premier Helen Zille en Burgemeester Theo Beyleveldt. Premier Helen Zille het van die geleentheid gebruik gemaak om haar steun uit te spreek vir die innoverende projek wat Munisipaliteit Overstrand met die hulp van eiendomsregkenners, me Leslie Downie, van stapel gestuur het. Hierdie projek hou verband met die tweede generasie-oordrag van laekostebehuising. Sy het egter haar kommer uitgespreek oor die verskynsel waarvolgens "die sleutel verkoop word": Die wyse waarop groot getalle begunstigdes hul huise oorhandig aan andere wat nie kwalifiseer nie en ook glad nie voordeel behoort te trek uit die regering se pogings om huise vir die ames te verskaf nie. Sy het gesê dit is tyd om die behuisingbeleid te hersien.

hulle het gemiddeld twee afhanklikes. Die gemiddelde inkomste van hierdie begunstigdes is minder as R1 100 per maand.

Hopelik sal hul lang gewag beloon word met hoëgehalte-vakmanskap, 'n huis wat ruimer is en ander eenmalige voordele wat toegeskryf kan word aan die betrokkenheid van die WNNR en die Departement van Wetenskap en Tegnologie.

Beginsels wat die beplanningproses ten grondslag gelê het, sluit in:

- Daarstelling van 'n voetgangergeoriënteerde vriendelike omgewing;
- Bevordering van 'n stelsel van deurlopende roetes ten einde die toeganklikheid van sosiale en ekonomiese aktiwiteite te bevorder;
- Bevordering van multifunksionele oopruimtes; en
- Implementering van kostedoeltreffende ontwerp ten einde die benutting van beskikbare grond en hulpbronne te optimaliseer.



AMPTENARE BESOEK NEDERLAND

Amptenare van die Munisipaliteit Overstrand, die Munisipaliteit Breedevallei en die Breede-Overberg-opvangsgebiedbestuursagentskap (OBA) was einde Oktober 'n week lank in Nederland om as gaste van die Vereniging van Hollandse Munisipaliteite aan die LOGO-Suid-uitruilprogram deel te neem.

Dié program is 'n initiatief van die Internasionale Samewerkingagentskap van die "Vereniging van Nederlandse Gemeentes" (VNG) en het ten doel om demokratiese plaaslike regerings wêreldwyd te versterk deur desentralisering te fasiliteer en hulp aan plaaslike regerings in ontwikkelende lande en lande in oorgang te verleen.

Die huidige initiatief fokus op die versterking van plaaslike regerings se kapasiteit op die terreine van geïntegreerde waterhulp-bronbestuur, riool- en afvalwaterbehandeling, ingenieurswese, asook ruimtelike en stedelike beplanning.

Verteenwoordigers van die Friesland se Streekswaterowerheid en die Munisipaliteit

Sneek in Nederland het in Mei 2009 besoek gebring aan Overstrand en die Breedevallei.

Overstrand se afvaardiging het uit die Onderburgemeester, Rdl Pieter Scholtz, die Direkteur van Infrastruktuur en Beplanning, mnr Stephen Muller, die Adjunk-direkteur van Water- en Vervoerdienste, mnr Hanré Blignaut, die Bestuurder: Projekbestuur en Ontwikkelingsbeheer, mnr Dennis Hendriks, die Bestuurder: Stedelike en Ruimtelike Beplanning, mnr Riaan Kuchar, en die Bedryfsbestuurders van Hangklip-Kleinmond en Gansbaai, mnr Mike Bartman en Dirk Crafford, bestaan.

Die afvaardiging het vanaf 24 tot 31 Oktober 2009 die Nederlandse provinsie Friesland en die gemeentes van Leeuwarden en Sneek besoek. Die program word deur die Hollandse Ministerie van Buitelandse Sake befonds wat vir die vlugte, akkommodasie, maaltye, vervoer en reisversekering betaal het. Munisipaliteit Overstrand het bygedra deur vir die visas asook 'n verlaagde reis- en verblyftoelaag te betaal.

KLEINMOND HAWE-ONTWIKKELING WEER OP DREEF

Danksy die Munisipaliteit Overstrand se bemiddeling is die Kleinmond Hawe-ontwikkeling weer op dreef, maar verskeie struikelblokke moet nog uit die weg geruim word voor die projek 'n aanvang kan neem, het die Munisipale Bestuurder, mnr Werner Zybrands, bekend gemaak.

Volgens hom is die hersoneringsproses in die loop van die jaar finaal afgehandel en die ontwikkelingsregte vir bepaalde gedeeltes van die hawegebied is nou in plek. Die volgende stap is om die waarde van die munisipale eiendom, wat deel van die ontwikkeling vorm, te bepaal. Kwotasies van belangstellende waardeerders is onlangs aangevra en 'n aanstelling sal binnekort gemaak word.

Een van die belangrikste doelwitte van die projek, naamlik die bemagtiging van vooreen benadeeldes in die gemeenskap, het ook ernstige aandag geniet. Weens die verdragings met die projek was die oorspronklike struktuur wat daarvoor ingestel is, naamlik Kleinmond Community Investment Holdings, nie in staat om voort te gaan nie en moes daar van voor af beraadslaag word oor die skeping van 'n inklusiewe gemeenskapsgebaseerde forum waarmee die ontwikkelaar (Wharfside Developments (Kleinmond) (Edms) Bpk) en die Munisipaliteit kan onderhandel.

Met die hulp van 'n onafhanklike fasiliteerder, wat deur OLEDA verskaf is, is daarin geslaag om so 'n forum tot stand te bring. Alle betrokkenes is by 'n inklusiewe proses betrek en het ooreengekom om binne die erkende strukture te werk. Die forum bestaan uit die plaaslike vissersgemeenskap, die

Na afloop van 'n omvattende omgewingsproses, is drie terreine vir hierdie ontwikkeling geïdentifiseer, en hul onderskeie uitlegte is geïnformeer deur wetenskaplike studies en kommentaar wat tydens die openbare deelnameproses van geïnteresseerde en geaffekteerde partye ontvang is.

Die residensiële komponent van hierdie ontwikkeling, wat ooreenstem met die Departement van Behuising se kriteria vir die toewysing van subsidies, sal bestaan uit 410 residensiële erwe met erfgrottes wat wissel tussen 120m en 163m met 'n bruto digtheid van nagenoeg 52 eenhede per hektaar. Een parkeerplek is per erf toegewys. In totaal is daar vir ses publieke oopruimtes voorsiening gemaak.

Hierdie persele grens of is naby aan 'n bestaande skool, waar die meeste begunstigdes se kinders reeds ingeskryf is.

Stedelike ontwerp-, argitektoniese en beplanningsoorwegings het deulitgemaak van die beplanning vir die voorgenome ontwikkeling. Oriëntering, posisie en beste aansluiting by die bestaande landskap het die beboude vorm van elke perseel bepaal. Paaie is parallel met kontoere uitgelê sodat die behuising laagsgewys met die kontoere ooreenstem en uitsigte en gravitasiedreinerings van die oppervlak moontlik maak. Die hoofdoel was om 'n area met goedontwerpte ruimtes te skep waarop mense trots sal wees om in te woon.

Ten opsigte van die ontwikkeling se verkeersimpak, sal daar ruimskots vir sypaadjiuimtes op die interne paaie voorsien word, en voetgangerfasiliteite langs Hoofweg sal verbeter word om vir die verwagte volume voetgangers voorsiening te maak.

Kleinmond Community Development Trust en die erfenisgroepering, wat gesamentlik 'n projekspan van 10 lede aangewys het. Die Munisipaliteit het onderneem om in die gevolg slegs met hierdie groep te onderhandel en sal geen verdere debat met individue oor verteenwoordiging in die strukture voer nie, sê mnr Zybrands.

Sake wat nog afgehandel moet word, sluit die volgende in:

- Nadat die waardasies afgehandel is, moet die Munisipaliteit met die ontwikkelaar oor 'n koopsom ooreenkom. Die ontwikkelaar is daarna verplig om aan die Munisipaliteit sekere waarborge te verskaf, sodat seker gemaak kan word dat die projek volhoubaar is.
- Verder moet die nodige beplanning gedoen en goedkeurings bekom word vir ontwikkeling van die hawe benede die hoogwatermerk. Die Munisipaliteit is tans hieroor in gesprek met die nasionale en provinsiale owerhede om te bepaal aan watter wetlike en finansiële vereistes voldoen moet word. Die hawe se opgradering was uit die staanspoor die motivering vir die munisipale betrokkenheid by die projek en dit bly die vernaamste doelwit van die projek. Dit moet egter geskied op 'n wyse wat nie die belastingbetalers van Overstrand sal benadeel nie.

Terwyl daar nog steeds vertroue in die projek is, sal die herstel van die ekonomie ook in ag geneem word in die bepaling van tydsraamwerke.

BANDE MET REGIMENT VERSTERK

Die Regiment Westelike Provinsie se bande met Overstrand is op Saterdag 7 November 2009 versterk met die eenheid se deelname aan die jaarlikse Papawerddag-herdenkingsdiens en uitoefening van sy vrye toegang tot die gebied met 'n deurmars in Hermanus se strate.

Openbare belangstelling in dié militêre be-drywigheid was goed. Onder meer het 'n groep Boy Scouts in uniforms en met hul vaandel plek ingeneem om die parade fyn dop te hou. Personeelle van Romantiques, 'n oudhede-winkel in Dirkie Uysstraat, het met barette uit hul voorrade hul toegeneentheid betoon.

Volgens mnr Trevor Floyd, organiseerder van die Herinneringsdagdiens, was daar 'n toename in die aantal kranse wat by die Seno-taaf bokant die Ou Hawe gelê is. Instansies wat betrokke was, het die Munisipaliteit Overstrand, die Junior Stadsraad, Regiment WP, verskeie militêre formasies, veterane-organisasies, die SA Polisdienste en plaaslike skole ingesluit.

Die orkes en twee kompanies soldate van Regiment Westelike Provinsie, gevolg deur twaalf Mamba-voertuie, het aan die deurmars deelgeneem. Die voertuie het daarna deur Kleinmond en Bettysbaai beweeg as deel van die gebeure van die dag om die vrye toegang tot die Munisipaliteit Overstrand uit te oefen.

Dié Burgermageneenheid herdenk vanjaar sy 75ste bestaansjaar en is onder meer in die Tweede Wêreldoorlog in Egipte en tydens die Bosoorlog vir grensdienste ontplooi. Na 1994 is die eenheid suksesvol getransformeer en dien dit vandag as 'n simbool van versoening. Sedertdien is lede van die eenheid al vir vredesoperasies in die buiteland aangewend en vertrek RWP binnekort om aan die noor-



Die deurmars in Hermanus op Saterdag 7 November 2009



delike grens beskermingsdienste te lewer.

In sy huldigingsrede by die parade het Burgemeester Theo Beyleveldt gesê die burgery sien op na militêre personeel wat 'n hoë waardeselsel navolg waarin betroubaarheid, respek, verantwoordelikheid, regverdigheid en omgee kenmerkend is.

"Ons wil 'n omgewing hê waarin 'n oop samelewing met gelyke geleenthede vir almal

kan bestaan sodat ons kan verseker dat net die beste manne en vroue in leierskapsposisies gestel word om ons gewapende magte voor te berei om die land te verdedig," het die Burgemeester gesê.

Kol Stephen Pierce, bevelvoerder van RWP, het by 'n funksie na afloop van die parade gesê die eenheid beoog om in 2011 weer 'n soortgelyke parade te hou.

PRESTASIE VERG TEENPRESTASIE

Twee onafhanklike peilings – Munitex en MunicipalIQ – het Overstrand pas uitgelig as een van die topmunisipaliteite in die land wat dienslewering sowel as produktiwiteit betref.

Sulke prestasies verg uiteraard 'n teenprestasie van diegene wat dit ontvang. Van belastingbetalers word verwag om getrou hul rekeninge te betaal sodat die munisipaliteit oor die finansiële vermoëns beskik om sy verpligtinge aan sy leweransiers, diensverskaffers en personeel na te kom.

Die munisipale teksboodskapdiens gaan vir die volgende paar maande op 'n proefnemingsgrondslag ingespan word om inwoners daaraan te herinner dat die betaling van hul rekenings op hande is. Maak seker dat u vir hierdie diens geregistreer is en ook oor ander noodsituasies ingelig word deur met die kliëntediensbeampte by u naaste betaalsaal te praat. Of stuur 'n teksboodskap met u rekeningnommer en die woord SMS na 082 338 1631.

Ons besef dat ekonomiese omstandighede taai is en indien u probleme ondervind, moenie versuim om betyds reëlins te tref nie. Indien dit nie gedoen word nie, het die munisipaliteit ingevolge sy Kredietbeheerbeleid geen ander keuse as om agterstallige rekeninge aan sy skuldinvorderingsagent, Debtpack, te oorhandig nie. Dit kan tot diensopkortings, verhoogde deposito's en administratiewe koste lei wat vermy kon gewees het.

U aandag word ook daarop gevestig dat hondelensies betaalbaar is.



Burgemeester Theo Beyleveldt in gesprek met Whale Coast FM

IMBIZO BEREIK DUISENDE

Munisipaliteit Overstrand se deelname aan die Nasionale Imbizo-week op Woensdag 4 November 2009 het baie goed verloop. In die oggend het 'n lewende inbelprogram op die gemeenskapradiostasie Whale Coast FM duisende luisteraars bereik, en die aand se vergadering in die Zwelihle-gemeenskap-saal is deur byna 200 inwoners bygewoon.

Die radiostasie is oorval met oproepe en SMS'e nadat dié geleentheid in die plaaslike media geadverteer en 'n teksboodskap deur die munisipaliteit uitgestuur is. Die bespreking is deur aanbieder John Mathew gelei, wat agterna opgemerk het dat dit 'n innoverende, gerieflike en nie-dreigende manier is om 'n imbizo te hou. Dit het ook onmiddellike interaksie moontlik gemaak wat help om die vinger op kwessies te lê.

Wat die Burgemeester, rdL Theo Beyleveldt, verstom het, is dat baie luisteraars ingebel het bloot om die munisipaliteit te loof vir die goeie

diens wat hulle ontvang. Alle kwessies wat gedurende die program gelig is, kon onder die loep geneem word en dit was 'n goeie geleentheid vir die algemene publiek om inligting oor die munisipaliteit se projekte en programme in te win.

Die uurlange vergadering in die Zwelihle-gemeenskapsaal is deur die Burgemeester gebruik om terugvoer te gee oor die jongste ontwikkelings wat behuising, elektrisiteit, afvalbestuur, openbare toilette, gesondheid en paaië aanbetref. Hy is hierin deur die Munisipale Bestuurder, mnr Werner Zybrands, bygestaan. Tolkdienste is verskaf.

Baie vrae is gevra, wisselende van kwessies verwant aan hoëmasbeligting, sekuriteitsmaatreëls by die rioolwerke, die toekenning van tenders en die brandweer se diens-te. Toe die tyd om was, is belangstellendes die geleentheid gebied om hul vrae neer te skryf en dit vir latere terugvoer in te handig.

SOKKERTOERNOOI 'N SUKSES

Op Sondag 8 November 2009 het Zwelihle se Real Attackers die openingswedstryd in die Burgemeester se Sokkerbekertoernooi op Gansbaai verower nadat hulle nog 'n span van Zwelihle, die Shock Waves, met drie doele teen een verslaan het.

Agt spanne vanuit Overstrand het mekaar die stryd aangesê. In die eerste rondte is Young Killers van Gansbaai, Black Birds van Stanford, Try Again van Kleinmond en Marine United van Gansbaai uitgeklop. In die semifinaal is Salim United en Sweepers uitgeklop, en in 'n wedstryd om die derde plek het Sweepers gewen.

Die Burgemeester, rdL Theo Beyleveldt, en die raadslede wat die geleentheid bygewoon het is baie beïndruk deur die standaard van

sokker in die munisipale gebied. Al die deelnemende spanne het hul uiterste bes gelever en hierdie beduidende geleentheid gebruik om hul voetbaltalent ten toon te stel. Die dag het ten doel gehad om opwinding aan te wakker vir die Wêreldbekertoernooi wat volgende jaar in Suid-Afrika aangebied word.

Sokkerkoors het op dié dag die botoon gegee, aangevuur deur 'n opmars van die spanne onder aanvoering van Blompark se Kaapse Klopse, vermaak wat deur Stanford se diskodansers verskaf is en die Coca Cola verhoogeenheid wat by die geleentheid betrek is. Die plaaslike gemeenskapradiostasie Whale Coast FM was ook daar om ekstra woema aan die geleentheid te verleen en dié wat by die huis moes by, ingelig te hou.



Burgemeesterbeker-wenners: Real Attackers

NUWE FASE VIR JUNIOR STADSRAAD

Overstrand se Junior Stadsraad het 'n nuwe fase betree met die inhuldiging van agt-entwintig junior raadslede op 22 Oktober 2009. Met die verkiesing van hierdie lede is 'n stewiger koppeling met die Verteenwoordigende Leerlinge van die onderskeie hoërskole gevestig. Daar is ook voorsiening gemaak om die nuwe hoërskool op Gansbaai te akkommodeer wanneer dit volgende jaar open.

In 'n poging om so verteenwoordigend moontlik van die Overstrand-gebied en -gemeenskappe te wees, kom die junior raadslede van Hawston Sekondêre Skool, Hermanus-hoërskool, Qayiya Sekondêre Skool in Zwelihle en Northcliff House-kollege, asook die graad 8- en 9-klasse van Die Bron en Kleinmond Primêre Skole.

Die Junior Burgemeester vir die nuwe termyn is Stacey Afrikaaner van Hawston-sekondêr, met Michael-John Heyns (Hermanus-hoër) en Sintle Nhlapo (Qhayiya-sekondêr) as Onderburgemeesters. Die res van die uitvoerende komitee bestaan uit Lee-Roy Julies, as die verteenwoordiger vir Mount Pleasant, Brin Hoffman (Kleinmond) en Stephanie Dreyer (Stanford).

Stacey het die hoop uitgespreek dat die nuwe Junior Raad aan alle verwagtinge sal voldoen en het uit 'n inspirerende stuk prosa aangehaal waarin gesê word dat drome bewaarheid kan word indien mens die tyd neem om na te dink oor wat mens van die lewe verlang. Michael-John het die gehoor se harte verwonder deur sy toespraak in isiXhosa te begin en ook Afrikaans in te sluit. Sintle het beloof dat hy en sy mederaadslede hul bes sal doen om deur dienslewering 'n verskil in hul gemeenskappe te maak.

Junior Raadbestuurder Theo de Wet het 'n onderskeid getref tussen die genotvolle lewe (partytjies en ontwerpersklere), die goeie lewe (om skool toe te gaan en stokperdjies te beoefen) en die betekenisvolle lewe, wat alles deel van 'n gebalanseerde lewe behoort uit te maak. Hy het gesê dat die Junior Raad se dienslewingsdoelwitte 'n goeie manier is om betekenis aan mens se lewe te verleen.

Hy het Moeder Theresa van Kalkutta aangehaal wie gesê het: Ek begin altyd my gebed in stilte, want dit is wanneer die hart stil is dat God

praat. God is 'n vriend van stilte. Ons moet na God luister want dit is nie wat ons sê nie, maar wat Hy aan ons en deur ons sê wat saak maak.

Uitvoerende Burgemeester Theo Beyleveldt het die nuut ingehuldigde lede van die Junior Raad gelukgewens en na die waardes verwys wat gedurende die afgelope jaar in die veldtog van die Morelestandaarde-inisiatief uitgelig is.

Vier lede van die eerste groep junior raadslede wat vyf jaar gelede ingehuldig is, het die seremonie bygewoon en vertel wat dit vir hulle beteken het.

Benewens die uitvoerende lede bestaan die res van die groep uit Codene Pretorius, Jonwin Bissolati en Hilary Jacobs, almal van Hawston-sekondêr, Noël Basson, Grace Martins, Jacobi Naude, Daniëlle Krige, Ana Saul, Alice Schoeman (aangebied om steeds in haar matriekjaar te dien) en Christine Rust (aangebied om steeds in haar matriekjaar te dien), almal van Hermanus-hoër, Xola Maliwa, Zintle Yokwe, Lungisa Qendu en Sinethemba Magqirha, almal van Qayiya-sekondêr, Jacques Scholtz en Tarryn-Lee Winkworth (Northcliff House-kollege), Jadine Dreyer en Bevan Damon, almal van Die Bron-primêr, en Reuben Coert, Natalie Felix, Tiyang Mohlafuno en Happy Mnuwana, almal van Kleinmond-primêr.



Inkomende Junior Burgemeester Stacey Afrikaaner ontvang haar serp van Overstrand se Burgemeester, Theo Beyleveldt.



Die junior raadslede vir 2009-10 saam met Burgemeester Theo Beyleveldt en Junior Raadbestuurder, Theo de Wet

POLISIE GEMEENSKAPSFORUM



TIEN WENKE OM MISDAAD TE BEKAMP

Gedurende die feesgety, mag ons nie ons waaksaamheid verslap nie. Hier volg enkele misdaadvoorkomingswenke, wat ons maar met nougesetheid kan en moet nakom:

1. Sorg dat u ten alle tye u deure gesluit hou en u vensters toe maak as u nie tuis is nie.
2. Wees op u hoede van u omgewing, as u van 'n bankoutomaat gebruik maak – moenie gebruik maak van hulp van 'n omstander nie.
3. Hou in gedagte dat die toegelate bloedalkoholinhoud 0,05% is – moenie bestuur as u alkohol gebruik het nie – meer as een bier, of meer as een sopie spiritueelieë, kan u reeds in die moeilikheid hê.
4. Moenie rylopers oplaai nie.
5. Hou noodnommers byderhand.
6. Moenie u deure vir vreemdelinge oopmaak nie.
7. Moenie waardevolle items binne sig in u motor los nie (al is die deure gesluit). Plaas dit in die bagasiebak van u motor.
8. Sluit ten alle tye u motor as u dit parkeer.
9. Rapporteer die bewegings van verdagte persone aan die polisie.
10. Onthou die gebruik van dwelms, besit van perlemoen en die vang van vis of kreef sonder 'n lisensie, is 'n oortreding. Die polisie handhaaf 'n beleid van "geen genade" vir hierdie oortredings.

Mag u 'n misdaadvrye Kersgety beleef. Dankie vir al ons beskermingsdienste wat ons omgewing veilig hou. Skakel Hennie Westraad van Hermanus se Polisiegemeenskapsforum op 082 820 4811 as u enige wenke het of meer wil weet.

OAK HET HARD GEWERK

Overstrand Arts/Kunste (OAK) het gedurende 2009 elf konserte aangebied. Hierby is internasionale en nasionale kunstenaars betrek wat gewissel het van tjelliste, violiste, pianiste, fluitspelers, opera- en lieder-sangers asook Hermanus se eie wonderkind, Stefan du Toit. Sommige kunstenaars het self aangebied om meesterklasse vir belangstellende studente aan te bied! Die jaar is gepas met 'n Kerskonsert deur lede van die welbekende Black Tie Ensemble afgesluit gevolg deur Twaalfde Nag onder leiding van Marga van Rooy. **OAK wens almal 'n geseënde en vreugdevolle Kersfees toe!** Rig navrae en voorstelle asseblief aan René du Plooy by 028 312 1895 of sel 082 940 4238 of e-pos haar by renedup@telkomsa.net



KANTOORSLUITINGS IN DESEMBER

Munisipale kantore sal op Donderdag 24 Desember 2009 en Donderdag 31 Desember 2009 om 13:00 vir die Kers- en die Nuwejaarsnaweek sluit en eers weer die daaropvolgende Maandag heropen.

DO YOU PREFER THIS NEWSLETTER IN ANOTHER OFFICIAL LANGUAGE?
SMS your account number with E for English to 082 338 1631

UNGATHANDA LENCWADI YESAZISO-NDABA IBHALWE NGOLUNYE ULWIMI?
Thumela i-SMS enenombolo ye-akhawunti yakho kunye no X omele isi Xhosa kule nombolo 082 338 1631

NASIONALE BEDROGBLITSLYN 0800 701 701